



Infuormaziuns

favrer 2022

Stimats genituors

Nus vain gnü grond plaschair d'avair pudü festagiar sonda passada davo ün on interrupziun nossa bell'üsanza da l'Hom Strom. Els varan badà cha nus vain desisti da far recloma cun ün flyer ed vain uschè dat la pussibilità quist on be als drets „fans da l'Hom Strom“ e'ls genituors da visitar noss'üsanza ed uschè eir fat il pussibel da resguardar reglas da corona dattas avant per occurrenzas our il liber.

Chalandamarz

Tenor stadi actual da las infuormaziuns pudaina eir festagiar davo duos ons interrupziun nos Chalandamarz. In che maniera cha quai sarà nu'ns es però amo cuntschaint e dependa da differentas decisiuns sün nivel chantunal e federal. Uschè nu savaina neir quista jada scha nus dain oura infuormaziuns in tuot las chasadas o scha nus comunichain ils detagls be als genituors e mettain las infuormaziuns lura amo süllas paginas d'internet da la scoula e dal cumün. In mincha cas vaina però grond plaschair dad ir vi da la preparaziun dal cortegi da Chalandamarz.

Scolaziun da las persunas d'instrucziun da la scoula primara

In marcurdi, 23 favrer 2022, ha lö ün di da scolaziun obligatoric per tuot las magistras e'ls magisters da scoula primara. **Uschè crouda oura l'instrucziun quel marcurdi avantmezdi per tuot las scolaras e'ls scolars da la 1. – 6avla classa.** Tenor ledscha da scoula han genituors chi nu pon survagliar d'ürant avantmezdis sainz'instrucziun a lur uffants la pussibilità dad annunzchar quai a la scoula e quella tschercha lura üna soluziun. Genituors chi giavüschan cha lur uffant gnia survaglià quist avantmezdi annunzchan per e-mail (mario.rauch@miascoula.ch) quist bsögn al manader da scoula, fin als 18 favrer 2022. Sainza annunzcha resta l'uffant a chasa quist avantmezdi. In che maniera cha quist accumpagnamaint vain organisà nun es amo cuntschaint e sta illa respunsabilità da la scoula (p. ex. famiglias externas, chüra Cumbinella, lavur quieta in stanza da scoula insembel cun ün'otra classa, etc.).

Chalender d'occurrenzas

Il chalender d'occurrenzas as chatta sülla pagina d'internet. Causa müdamaints chi dà listess amo qua o là pervi da la situaziun da corona nu publichaina quel quia sün quist fögl e train attent da consultar la pagina d'internet. (www.scoula-scuol.ch/scuol/program-da-lon/).



Structuras dal di (dumonda dal bsögn)

Sco chi Tils es cuntschaint vegnan sportas per scolaras e scolars da scouline fin 2. classa structuras dal di cun maisa da mezdi d'ürant duos dis l'eivna. L'infuormaziun in chosa segua plü tard. Pel rest dals scolars vegna organisà inavant sco fin uossa, üna sporta sur mezdi adüna il lündeschdi, mardi, gövgia

e venderdi, insembel cullas scolaras e culs scolars da tshellas fracziuns chi restan quia sur mezdi. Per avair ün'idea co chi guarda oura cul interess dal prossem on da scoula, Tils faina darcheu la dumonda da princip. Ulteriurs detagls e la pussibilità da s'annunzchar definitivamaing (pro quels chi han muossà interess da far adöver da la maisa da mezdi) seguan lura plü tard, cur chi sun eir cuntschaints ils uraris da l'on chi vain. Nus Tils giavüschain dad indichar Lur interess cun implir oura il talun d'annunzcha agiunt fin als 4 marz 2022. Ils cuosts pella maisa da mezdi importaran sco fin uossa 12.-CHF / mezdi. Scolars e scolars da Guarda e d'Ardez nu ston implir oura quist questiuari.

Plünavant pon Els eir circumscriber schi vessan bsögn dad ulteriuras sportas da structuradas dal di (p. ex. sorveglianza davo scoula o il marcurdi davomezdi). Per plaschair dar cuntschaint quai in scrit o per e-mail al manader da scoula. Ils cuosts per quistas sportas ston gnir surtuts dals genituors. Uschè sportas vegnan organisadas be schi'd es avantman ün bsögn (tenor ledscha da scoula chantunala artichel 27).

Davart ulteriurs detagls vegnan infuormats quels chi han demuossà lur interess.

Ed uossa resta amo dad ingrazchar a tuots pella collavuraziun e la fiduzcha e giavüschar a tuots ün bel temp d'inviern.

Amiaivels salüds



Mario Rauch, manader da scoula

✂

Talun d'annunzcha (dumonda da bögn)

Nus fessan jent adöver da las structuradas dal di tenor las cundiziuns manzunadas survast e quai:

- lündeschdi a mezdi (maisa da mezdi + lezchas)
- mardi a mezdi (maisa da mezdi + lezchas)
- gövgia a mezdi (maisa da mezdi + lezchas)
- venderdi a mezdi (maisa da mezdi + lezchas)

otras remarchas o oters bsögns da structuradas dal di: _____

Nom e classa (2021/22) da l'uffant: _____

Suottascripziun genituors: _____

Bemerkung: Die allgemeine Korrespondenz der Gemeindeschule Scuol wird nur in der offiziellen Gemeindesprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scoula“ publiziert.

Nota: A correspondência que a escola manda a todos os pais é escrita com a lingua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado en „Gazetta da scoula“.